



სსიპ საქართველოს სოფლის მეურნეობის სამინისტროს ლაბორატორიის
საჭიროებისთვის ლაბორატორიული აპარატურის შესყიდვის
სატენდერო კომისიის სხდომის
ოქმი №1

ქ. თბილისი

23 თებერვალი 2015 წ.

სხდომას ესწრებოდნენ:

- ლალი მაძლარაშვილი – სატენდერო კომისიის თავმჯდომარე, ლაბორატორიის დირექტორი;
- ანა გულბანი - სატენდერო კომისიის თავმჯდომარის მოადგილე, ლაბორატორიის დირექტორის მოადგილე.

კომისიის წევრები:

- რუსუდან კაპანაძე – საქმისწარმოების და იურიდიულ საკითხთა სამსახურის უფროსი;
- თამარ მაჭარაძე – საფინანსო-ეკონომიკური და საბუღალტრო სამსახურის უფროსი;
- ირაკლი გულედანი – საკვები პროდუქტების ექსპერტიზის განყოფილების უფროსი;
- იოსებ ჩორგოლაშვილი – სამეურნეო უზრუნველყოფის განყოფილების უფროსი;
- ვლადიმერ დოლიძე – ლაბორატორიული აპარატურის ინჟინერი.

სატენდერო კომისიის აპარატის წევრი:

იზოლდა მაისურაძე – საქმისწარმოების და იურიდიულ საკითხთა სამსახურის მთავარი სპეციალისტი.

დ დ ი ს წ ე ს რ ი გ ი:

საქართველოს სოფლის მეურნეობის სამინისტროს ლაბორატორიის 2015 წლის სახელმწიფო ბიუჯეტის დაფინანსების ფარგლებში სახელმწიფო შესყიდვების გეგმით გათვალისწინებული, ერთი ერთეული წყლის საფილტრაციო აპარატის/სისტემის (CPV 42912000) შესყიდვის მიზნით განსახორციელებელი გამარტივებული ელექტრონული ტენდერის სატენდერო განცხადების, სატენდერო დოკუმენტაციისა და სახელმწიფო შესყიდვის შესახებ ხელშეკრულების პროექტების განხილვა-დამტკიცება.

მოისმინეს:

კომისიის წევრის – ირაკლი გულედანის ინფორმაცია იმის შესახებ, რომ ლაბორატორიაში საკვები პროდუქტების ექსპერტიზის მიმართულების გასაძლიერებლად და საერთაშორისო სტანდარტებთან შესაბამისობაში მოყვანის მიზნით საჭიროა ერთი ერთეული წყლის საფილტრაციო აპარატის/სისტემის შესყიდვა. მან ასევე წარმოადგინა მახასიათებლები, რომელიც შედგენილია აპარატურის ინჟინერთან – ვლადიმერ დოლიძესთან შეთანხმებით, ამასთან აღნიშნა, რომ რაიმე სახის სერტიფიკატს აღნიშნული შესყიდვის ობიექტი არ საჭიროებს. მოსამზადებელი სამუშაოების ეტაპზე განისაზღვრა შესყიდვის ობიექტის სავარაუდო ღირებულება, რომელიც შეადგენს 5000 ლარს.

კომისიის წევრის, რუსუდან კაპანაძის ინფორმაციით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის თანახმად, შესყიდვის სავარაუდო ღირებულების გათვალისწინებით, ზემოაღნიშნული შესყიდვა უნდა განხორციელდეს გამარტივებული ელექტრონული ტენდერის საშუალებით, თუმცა „შესყიდვის ობიექტების იდენტიფიცირებისა ერთგვაროვნების დადგენის წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2010 წლის 20 სექტემბრის №7 ბრძანებით დამტკიცებული დანართი №1-ის შესაბამისად, შესასყიდი ობიექტი ერთიანდება CPV42900000 კოდის ქვეშ, ხოლო წლის განმავლობაში აღნიშნული კოდის ქვეშ გაერთიანებული შესყიდვის ობიექტების საერთო სავარაუდო ღირებულება შეადგენს 47 160 ლარს.

კომისიის წევრებმა დეტალურად განიხილეს სატენდერო განცხადება, სატენდერო დოკუმენტაცია, სახელმწიფო შესყიდვის შესახებ ხელშეკრულების პროექტი, რომელიც სატენდერო კომისიის აპარატის მიერ მომზადებულია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.



აზრი გამოთქვა:

კომისიის თავმჯდომარემ და თავმჯდომარის მოადგილემ, მათ მოიწონეს წარმოდგენილი დოკუმენტაცია და აღნიშნეს, რომ მნიშვნელოვანია განისაზღვროს საქონლის მოწოდების ოპტიმალური ვადა.

აღნიშნულ საკითხზე მსჯელობის შედეგად გაირკვა, რომ ვინაიდან ტვირთების ტრანსპორტირება ძირითადად არ ხორციელდება საჰაერო გზით, ამ შემთხვევაშიც სავარაუდო ვადად უნდა განისაზღვროს 40-45 დღე.

მსჯელობის შედეგად ერთიან ელექტრონულ სისტემაში განსათავსებელი განცხადება ჩამოყალიბდა შემდეგი სახით:

ტენდერის ტიპი: გამარტივებული ელექტრონული ტენდერი;

ტენდერის გამოცხადების თარიღი: – 2015 წლის 24 თებერვალი.

შესყიდვის სავარაუდო ღირებულება: 5000 ლარი.

სატენდერო წინადადება წარმოდგენილი უნდა იყოს: დღგ-ს გათვალისწინებით;

კლასიფიკატორის კოდი: 42900000;

დამატებითი ინფორმაცია: იხილეთ სატენდერო დოკუმენტაცია;

შესყიდვის რაოდენობა ან მოცულობა: ერთი ერთეული.

მოწოდების ვადა: ხელშეკრულების გაფორმებიდან არაუგვიანეს 45 კალ. დღე.

შეთავაზების ფასის კლების ბიჯი: შესყიდვის სავარაუდო ღირებულების 0.4%.

გარანტიის ოდენობა: შესყიდვის სავარაუდო ღირებულების 1%.

დაადგინეს:

1. დამტკიცდეს სსიპ სოფლის მეურნეობის სამინისტროს ლაბორატორიის მიერ ლაბორატორიული ტექნიკისა და აპარატურის შესყიდვის თაობაზე სატენდერო განცხადების, სატენდერო დოკუმენტაციისა და სახელმწიფო შესყიდვის შესახებ ხელშეკრულების პროექტის წარმოდგენილი ვერსია.

3. დაევალოს სატენდერო კომისიის აპარატს სატენდერო განცხადებისა და სატენდერო დოკუმენტაციის ერთიან ელექტრონულ სისტემაში განთავსება დადგენილი წესით, არაუგვიანეს მიმდინარე წლის 24 თებერვლისა.

სატენდერო კომისიის
თავმჯდომარე

ლალი მაძარაშვილი

თავმჯდომარის მოადგილე

ანა გულბანი

კომისიის წევრები:
რუსუდან კაპანაძე

ირაკლი გულედანი

თამარ მაჭარაძე

იოსებ ჩორგოლაშვილი

ელადიმერ დოლიძე

აპარატის წევრი, სხდომის მდივანი:

იზოლდა მაისურაძე